

# La stria dals dents marschs

■ (cp) La veglia stria Brixha ha dents marschs. Perquai rin ils uffants or ella. Quai grittenta Brixha talmain ch'ella vul ch'ils uffants hajan er mal ils dents. Il nov gieu auditiv da Radio e Televisiun Rumantscha (RTR) e da la Lia Rumantscha (LR) è dapli che be divertiment per ils uffants. L'istorgia mussa ch'ils uffants pon sezs far insatge per tgirar lur dents. In dals bels regals da Nadal rumantschs quest onn è segir il gieu auditiv «La stria dals dents marschs». L'istorgia porscha divertiment e tensiun per ils uffants e motivescha els d'adina lavar bain ils dents. La stria Brixha ha dents marschs e dumonda il striun Vumpum per agid. Ella vul ch'er ils uffants hajan dents marschs e nairs, e cunzunt er mal ils dents. Ma per fortuna gidan ils nanins Fluorin, Flip e Flap ils uffants. Il cumbat cunter la stria Brixha è dir e la finala ston ils uffants gidar ils nanins e sasezs.

RTR e LR han realisà questa istorgia da Karen Meffert (titel original «Zaaweehäx & Zuckermaa»). Sin il disc n'audan ils uffants betg mo la nauscha stria Brixha e ses gidanter, il striun Vumpum, ma er ils trais nanins che fan tut per gidar ils uffants.

In'emprova auditiva chattan ils uffants sin la pagina d'internet [simsalabim.rtr.ch](http://simsalabim.rtr.ch). Per ils emprims 30 che postan il DC datti in regal supplementar.



In dals bels regals da Nadal rumantschs quest onn è segir il gieu auditiv «La stria dals dents marschs».

MAD

La Clinica da dents per scolars da Cuira offerescha barschuns e pasta da dents.

Il disc compact pon ins comprar tar Radio e Televisiun Rumantscha 081 255 75 75; Lia Ruman-

tscha 081 258 32 22; Clinica da dents per scolars da Cuira 081 254 45 72; u tar tut las librerias che vendan products rumantschs per il pretsch da frs 19.50. [www.simsalabim.rtr.ch](http://www.simsalabim.rtr.ch) / [www.liarumantscha.ch](http://www.liarumantscha.ch)